

Κεφάλή μοι ε.

CAPVT V.

Nam si vera opinio, & non scientia sit, ex qua incontinenter agunt homines, nihil ad rationem id refert: cum nonnulli ex iis qui opinantur, non ambigant, sed certò se scire existimant. Si igitur opinantes propterea quia leuiter credunt, magis quam scientes præter existimationem suam agent: scientia ab opinione nihil differet, nonnulli enim sunt, qui nihil minorem iis quæ opinantur, quam alij iis quæ sciunt, fidem adhibeat. Id Heraclitus ostendit. Sed quoniam duobus modis scire dicimus: tam enim dicitur scire, qui habet scientiam & ea non vtitur, quam qui vtitur: differentia erit, si quis agat ea quæ non debet, dum habet quidem scientiam, sed non contéplatur, & dum habet, & contemplatur: hoc enim videtur absurdum: sed non, dum non contemplatur. Præterea cùm duo propositionum modi sint, nihil vetat, quo minus qui vtriasque habet, præter scientiam agat, dum vniuersali vtitur, & non particulati: particularia enim ea sunt, quæ in actionem veniunt. Diuersum autem est vniuersale: alterum enim in ipso, alterum in re est: vt omnī homini siccā conferre: & ipsum esse hominem: vel siccum esse quod huiusmodi est: an verò hoc huiusmodi sit, aut nō habet, aut non operatur. Ex his igitur modis incredibile est quāta differētia futura sit: vt si ita cognoscet quispia, nihil absurdū: sin aliter, mirandū videatur. Ad hęc habere scientiam alio modo contingit hominibus, quam dictum sit. nā dum habet quis, & ea non vtitur, diuersum esse habitum videmus: vt & habere quodammodo & non habere videatur: cuiusmodi est quā dormit, qui furit, qui vino oppressus est. Ita autem affecti sunt etiam illi qui in perturbationibus sunt constituti. irā enim & venereorum cupiditates, nonnullaque huiusmodi corpus etiā manifestè immutās, quodamq; in furores inducunt: vt pateat simili modos affectos incontinentes dici oportere. Quod autē verba ex scientia dicant, id argumentū nullū est. qui enim sunt in his affectibus, cōstituti: demonstrationes, & carmina Empedoclis dicūt: qui item primum didicerunt, connectunt quidē verba, non dum tamen scīunt, cognatum enim, ac coalitū esse oportet: ad quod tēpore opus est. Quocirca eos, qui incontinenter agunt, ita dicere existimādum est, vt illi faciunt, qui histrionis munere funguntur. Ade quod ita quoque naturali quadam ratione inspicere causam quispam posset.